

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

De secundo

[urn:nbn:de:bsz:31-122776](#)

## De Secundo.

**V**Idimus matris petitum, videbimus etiam Christi responsum, quod est

I. *Reprehensorium.* Nam exprobrat ipsis stultitiam sive inscitiam suam, quod, quæ & qualia petant, ignorent. Nescitis, quid petatis. Nesciebant utique regni Christi conditionem, quod de hoc mundo non erat, Johan. 18. vers. 36. Nesciebant officii sui rationem, quod in docendo, non in politica dominatione consistebat, Lucæ 22. vers. 25.

Ita nos quandoq; aliquid petimus à Deo, sed nescimus, quid petamus, ideo nihil accipimus, Iac. 4. v. 3.

Multi petunt, sed *absque intelligentia*, Matth. 6. vers. 7. Illi nesciunt, quid petant: Nam in Spiritu & veritate orationem suam perficere debebant, Joh. 4. v. 23. alias frustram Deo serviunt, Es. 29. v. 13.

Multi petunt, sed *absque paenitentia*. Hi nesciunt, quid perant. Nam peccatores DEUS non exaudit, Johann. 9. vers. 3. sed oratio ipsorum est abominatio, Prov. 28. vers. 9.

Multi petunt sed *absque confidentia*. Hi nesciunt, quid petant, proinde nihil accipiunt, Iac. 1. vers. 6. 7. Sine ira enim & hæsitatione manus ad Deum sunt elevandæ, 1. Tim. 2. vers. 8.

Multi petunt, sed *absque reverentia*, ut Pharisæus ille, Luc. 18. v. 11. seqq. Hi iterum nesciunt, quid petant, proinde nihil accipiunt, nam superbis Deus resistit, humilibus autem dat gratiam, 1. Petr. 5. v. 5.

Multi denique petunt, sed *sine differentia*, non attendentes, quod aliter bona spiritualia, aliter bona corporalia à Deo petendæ sint. *Corporalia cum conditione*, si

Deus velit, & saluti nostræ conveniat, quod petimus. *Spiritualia verò sine conditione*, quia de illis non est dubium, quod ad salutem nobis conducant, & DEUS etiam sine conditione nobis ea promisit. Hinc vult CHRISTUS in Oratione Dominica, quod ante petitionem panis quotidiani dicere debeamus: Fiat voluntas tua sicut in celo, ita & in terra. Qui discribenet hoc non observat, nescit, quid petat, & non exauditur, quia non petit secundum voluntatem Dei, 1. Joh. 5. v. 14.

In serviat hoc nostræ consolationi, quando non semper exaudimur ad nostram voluntatem. Deus est Pater noster, & melius novit, quid nobis, liberis suis, utile vel inutile sit. Si ergo non semper dat, quod petimus, cogitemus cum Augustino, dabit id, quod est utilius, & sorteum nostram manibus ipsius in solidum committamus, ipse faciet, Psal. 37. v. 4.

II. *Interrogatorium.* Nam, ut monstrat ipsis petitionis suæ vanitatem, & simul ab ista dominandi cupiditate, quæ fascinat erant, eos avocet, questionem instituit, & portentisne, inquit, culicem bibere, quem ego bibiturus sum, & baptismate baptizari, quo ego baptizor. Quæ verba allegorica sunt, & duplice metaphora crux & calamitatem fidelium adumbrant:

I. *Sub imagine Potionis*, quam Medicus ægroto propinat. Illa quidem ingrata est propter amaritudinem, sed quia tamen ad sanitatem recuperandam inservit, amaritudo non curatur: Talem calicem Deus omnibus Christianis propinat exhaustendum, Psalm. 75. versic. 9. Hinc infundit *vinum tribulationis*, Psalm. 60. vers. 4. illi vinum lene, & castigat ipsum in judicio, ne

D d d

vide-

videatur sibi innoxius, Ieremi. 30. vers. 11.  
Isti *vinum absynthium*, & cum spiritualibus ipsum temptationibus configere permittit, ut David expertus est, Ps. 38. Aliis propinat *calicem vino rubro plenum*, ex quo B. Martyres biberunt, Apoc. 12. vers. II. Alios felle potat, Thren. 3. v. 19. alios lachrymis, Psalm. 80. v. 6. Quicquid igitur tibi Deus infundit, audacter bibe, nihil tibi nocebit, sed operabitur

1. *Fidei probationem*. Sicut enim Magnates, exploraturi ingenium suorum ministrorum, pocula frequentant, tunc est in lingua ebrii, quod erat in corde sobrii, ut dicitur in proverbio: Ita Deus quoque probat suos fideles per calicem tribulationis, &c. Ef. 28 v. 19. Sir. 34. v. 10.

2. *Christi conformatiōnem*. Haustus vi ni mutat colorem hominis, & genas pingit amicabili rubore: Ita, si quis ex calice tribulationis bonum haustum traxerit, mutationem coloris brevi experietur, id est, vitam suam emendabit, & quod sibi adhuc vivendo supereft, in quiete & justitia, Deo placente, transiget, 1. Petr. 4. vers. 2. Ita fieri, ut quemadmodum hic stigmata Christi in corpore nostro portamus, Galat. 6. v. 17. in revelatione gloriae ejus gaudentes exultemus, 1. Petr. 4. v. 12. 13.

3. *Carnis mortificationem*. Sicut enim is, qui modum excessit in bibendo, omnem appetitum amittit, & ad olfactum etiam cibi & potus nauseat: Ita calix tribulationis lasciviam carnis reprimit, & frenat quasi, ut obliviscentes quae retrò sunt, extendamus nos ad ea quae priora sunt, Phil. 3. v. 12. nam qui in carne patitur, definit à peccatis, 1. Pet. 4. v. 1.

Hæc omnia faciunt ad excitandam nostram sub cruce patientiam. Quid horres?

*Calicem vides*, non utnam, non cupam, non dolium. Dimensum haustum vides, quem facile evacuare potes. Adhæc Dns qui infudit, fidelis est, & neminem ultra vires tentati permittit, 1. Cor. 10. v. 13. Christus pragmavit calicem hunc, & mucorem iræ divinae, qui supernatabar bibendo sustulit, quod lupereft in medio vinum optimum & purissimum est. *Neque soli sumus*, quibus hic calix propinatur, omnes fideles ab origine mundi in praesentem usque horam ex eo biberunt, bibunt adhuc, & bibent in posterum ad finem usque seculi, eadem fors est omnium Christianorum, 1. Pet. 5. v. 9. videtur tibi portio hæc amara, quæ lachrymas exprimit? cogita, quod nemo piorum sine fletu & lachrymis unquam ex hoc calice biberit. Quid igitur mitum, si tu quoque lachrymas profundis? Hoc autem firmiter tibi persuade, quod omnis disciplina quidem in praesenti non videtur esse gaudii sed mœroris, postea autem fructum tranquillum justitiae reddet exercitatis per eam, Ebr. 12. v. 11.

II. *Sub imagine lotionis*. Quando aliquis in contumeliam iussunditur aqua. Hic est baptismus tribulationis, quem Christus in passione expertus est, Luc. 12. vers. 50. & adhuc omnes ejus genuini discipuli experimentur, quando aquæ intrant usque ad animam, & in altitudinem maris cum Davide demerguntur, Ps. 69. v. 2. seqq. conf. Ps. 18. v. 17. 32. v. 6.

Quemadmodum enim baptismus quandoque idem est, quod lotio, quæ nemo carere potest, Marc. 7. v. 4. Ita crux omnibus Christianis communis est 92. Tim. 3. v. 12.

Infantes in primitiva Ecclesia totò corpore in aquam demergebantur & sine danno extrahebantur: Ita toti aliquando in



profundum aquarum tribulationis à Deo conjicimur , ubi abyssus abyssum invocat, Psalm. 42. vers. 8. & nihil nisi mors nobis ob oculos versatur , exemplo discipulorum, Matth. 8. v. 25. sed liberatio tamen opportuno tempore sequitur, Ps. 91. v. 15.

Qui aquis immergitur , totis viribus reluctatur, ut rursus emergat : Ita sub cruce media arripimus, quibus eluctari possimus. Præcipuum est oratio : sicut enim necessitas docet natare : ita necessitas etiam docet orare, Isa. 26. v. 16.

Qui aquis immersi madefiunt , postea extracti & Soli expositi facile exsiccantur : Ita baptismō crucis immersi non submergimur , sed extrahimur rursus & refocillamur. Nam post nubila Phœbus, Tob. 3. v. 23.

Videte vos mei , quomodo omnes veri Christiani duplici baptismo opus habeant lucis & crucis. Quod si igitur posteriori baptismo etiam quandoque baptizaris consolare te , quod priori etiam baptizatus & Christo insertus es, ibi nomen tuum in celo scriptum est, Luc. 10. v. 20. quod neque tribulatio, neque mors, neque Satanus unquam delere poterit, Rom. 8. v. 35.

III. *Informatorium.* Postquam enim respondent : Possimus , & ita sibi extra periculum admodum videntur fortes, suamque incogitantiam produnt, levi pendentes afflictiones & pericula, quæ & Domino & ipsis imminebant, corrigit illos, & calicem meum, inquit, bibetis, & baptismate quō ego baptizor , baptizabimini , at sedere à dextris & sinistris meis non est meum dare, sed quibus paratum est à patre meo. Hæc est finalis responsio ad discipulorum postulatum, quā perspicuē declarat, paratam quidem eis certam afflictionum mensuram in hoc seculo, ita ut poculi & baptismatis tri-

bulationum Domini sui futuri sint participes. Ut autem illorum alterum ad dextram, alterum ad sinistram collocet in terreno aliquo regno, quale sibi imaginentur, id vēdē se in mandatis à Patre non habere , sed iis competere hujusmodi terrenas dignitates, quibus pater cœlestis illas deputaverit : Suis vero discipulis & Apostolis esse demandatum munus longè aliud , quod non in dominatu politico, sed in ecclesiastico ministerio consistat. Sunt verba D. Hunni.

Moustratigitur loco προκαθεδπιας, quam flagitabant

1. *Glorie consequenterationem,* quæ per angusta ducit ad augusta, non per augusta ad angusta. Nemo enim potest gaudere in utroque seculo , inquit Augustinus. conf. Luc. 6. v. 21. Act. 14. v. 22.

Volebant hi discipuli ad dextram & sinistram Christi sedere in regno aliquo terreno : Sed ipse contra crucis calicem ipsis propinat, & de baptimate passionis & tribulationis concionatur: Ita nemo sibi imaginetur, quod in terrena felicitate dies suos in hoc mundo ducere velit, vincula & tribulationes ubique nos manent, Act. 20. vers. 23. confer Iob. 7. v. 9 2. Cor. 7. v. 5. hoc incipit ab utero , & durat in sepulchrum , Sir. 41. v. 1. pugnandum igitur & decerrandam est, nemo coronatur, nisi qui recte pugnavit , 2. Tim. 2. v. 5.

2. *Officiisui determinationem.* Nam expressè ait: Sedere ad dextram meam, & ad sinistram meam non est meum dare: His verbis abutuntur Calviniani ad impugnandam majestatem Christo homini per unionem personalem communicatam, sic inferentes: Si Christus ut homo non habet potestatem dandi quod petitur, non habet omnem potestatem in celo & in terra, & proinde locus

D dd 2

Mat. 28.

### In Die S. Jacobi.

396

Matth. 28. v. 18. de sola divinitate intelligendus est. Sed verba sunt accipienda secundum subjectam materiam de primatu consensu in regno terreno, cuius certè distributio ad officium Christi non pertinebat. Ut taceam quod tum, cum hæc diceret, in forma servi Christus erat, & in statu exinanitionis, ubi communicatae majestatis usum verè evanesceret, Phil. 2. v. 7.

Interim hoc loco Epilogi notandum est. Quemadmodum Christus in mandatis non habebat à Patre, ut officia mundana inter suos assecelas distribueret: Ita nec ullum ex Apostolis suis ad hanc sublimitatem evenetum voluit, ut vel ipse regnaret in modum Principum atque Regum hujus seculi, vel alii regna hujus mundi conferret ac distribueret. Dixit enim apertè: Sicut me misit

Pater: Ita & ego mitto vos. Jam verò Pater non misit Christum, ut invaderet regna hujus mundi, & politicam administratiōnem populorum ac gentium tractaret. Quare nec ipse Apostolos suos eo misit & ordinavit modo. Unde colligimus, quod Papa nullo jure hanc potestatem sibi vendicet tractandi utrumque gladium politicum simul & ecclesiasticum, distribuendi provincias & regna terræ, quo se non Christi Vicarium, non Petri successorem, non Apostolorum hæredem, sed Antichristum esse probat, cuius propria nota hæc erat futura, ut his qui Deum suum Maozim firmarent, conferret gloriam multam, & terram inter eos distribueret, Daniel, 12. versic. 39. Hic finis esto per JESUM Salvatorem nostrum, Amen.

### In Die S. Bartholomæi.

*Evangelium Luc. 22. vers. 24. 30.*

**G**enes. 39. vers. 12. commendatur Iosephus, quod heræ suæ lenociniis ad lasciviam sollicitatus pallio illius in manibus relicto fugâ sibi consuluerit, ne adulterio se pollueret, fidemq; hero datam sanctam inviolatamque conservaret.

Sed Bartholomæum videre dilecti, cuius memoriam hodie S. mater Ecclesia celebrat, quia in sacris paginis Apostolorum numero accensetur. Is mundi persecutionibus infestatus non pallium sed propriam pellem in tyrannorum manibus reliquit, ne forte in idololatriam, quæ spiritualis quedam fornicatio est, prolaberetur & Domino suo ac Magistro Iesu Christo fidem integrum & intemeratam servaret.

De origine & prosapia ejus nil certi constat. Petrus de natalibus è regia stirpe ipsum oriundum fuisse jactat, sed dubia fide. Post effusionem Spir. Sanct. visibilem in die Pentecostes Evangelium prædicavit in India, ubi filiam Polymnii à Diabolo liberavit, & per hoc miraculum ipsum cum conjuge ad Christianam fidem convertit. Sed ægide tulerunt hunc Evangelii successum Sacra-dotes Assaroth & Berith, quibus idolis homines isti serviebant, & accusarunt Bartholomæum coram A Styage, qui fustibus verberatum excoriari jussit, Anno Christi 80.

Nos sine ulteriori præloquio ad ordinariam Evangelii pericopen descendemus, quæ duobus membris absolvitur, ut sunt

L. Litt.